


Uibanka bara liikika daukan ba: Willem de Vink

JISAS BA MESAIA



J
I
S
A
S

B
A

M
E
S
A
I
A

Ulbanka bara lilkika daukan ba: Willem de Vink


JISAS BA MESAIA



© Stichting Wereldtaal, Houten, Holanda, 1993
© Traducción Sociedad Bíblica de Nicaragua, 1998
ISBN 90 6534-033-5
Publicado por la Sociedad Bíblica de Nicaragua,
Puente Larreynaga 25 varas abajo
Apartado Postal 2397
Managua
Nicaragua

Digital copyright under the terms of the creative commons BY-SA licence
All rights of translation, reproduction and adaptation reserved for all countries.


Coedición mundial organizada y producida por:
Wycliffe Netherlands
Postbus 150
3970 AD Driebergen
The Netherlands
+31(343)517444
www.wycliffe.nl
e-mail : picturebook@wycliffe.nl



Upla manis awala ra dihwi ba dia?



Ridi taki bangs,
Gâd kingka lâka pat aula!



Iwanka raya
kum ta krikai bangs!



Gâd lâ tara daukaia asa ba,
dus nani wakia ra
mangki brisa....



Ani dusa nani ma
pain sakras ba, klakbia
bara pauta ra lulkbia!




Bankra yawan sin wan
klakan kabia, kan ya sip sa
yamni man iwi kaia?



Kasak pali! Gâd lâka ba wina
yawan sip swak takbia apia.
Sakuna ninira wala aula ba sip
sa lukankam ba lakaia.



Man nani saurakira sma!
Nanara wina iwanka raya kum
ra kan mai dauki sa? Baku
kaka swis liura mai tahbi sakbia.




Baku man nani
marikma, iwanka
raya kum ta krikaia
want sma ba.

Awala un ra smalki smasmalkrika ba,
nina Jan Tatahbra makisa...

Yang dukira aisaras.
Yang yabal nani ridi
dauki sna, baha
waitnika balaia ba
kainara, witin bal
wan marikbia ya ba
Gâd sa. Witin lika
Gâd wina Spirit ni
pauta klauhwan ni
mai tahbi mai
sakbia. Naha lika
rayakam aiska sins
munbia!



Ningkara....



Yang... yang
na sin man
bui tahbi ai
sakaia sma!



Tahbi ai saks,
Gâd dia want wi ba
daukaia ba pain sa.




Aisa, kingka lâka
balbia, bara man
kupiam lâka
daukbia!



Ningkara kasbrika purara
bila baikra kum walan...

Au! Man sika
yang Luhpi,
uba lamtwan
sna ba!
Man sika yang
kupi latwanka!



Yawan wan iwanka ta krika kan pyua ra, Jan Tatabra balan, Israel Mesaia ka aula ba dukyara yabal nani ridi dauki kan ba. Baha pyua ra Israel ba, tasba sirpi lupia pali kan Rom karnika tara ba tilara.



Ju uplika nani Israel ra karnikas baku bangwi kan bara sin taiban lâka ra baku ai dahra wali kan. Upla nani ba, Mesaia kum swaki sasakra baku balbia pramis munan ba, pat pali bila kaiki kan, Gâd kingka lâka bapbia ba.

Jordan awala baila wala ra, Jan Tatabra Jisas ra kulki aisin.



Tahbi daukan ba ningkara, Gâd Spiritka mita, Jisas ba upla iwras tasbaia ra brih wan.



40 dis witin kakna tihmia upla iwras tasbaia ra baha pyua sut plun piras kan, aihwaki ai pura suni kan, ai warkka nahki kau pain daukaia ba kaikaia.



Witin takaia dukyara, Jisas smalkaia kan Gâd dia luki ba naha tasba dukyara. Gâd brinka sa, upla sut, prura karnika wina pri takbia.




Jisas setan karnika mapara aiklabaia ta krikisa, tihmu tara ulasa sip kaikras ba, witin naha tasba ra wihta aimaki sa prura bara sauhi tikan lâka ni.



Waihla saura ba, Jisas lukanka ra ban
turbanka nani daukisa, Gâd laka wina
tnaya ra lakaia dukyara.

Gâd Luhpia sma kaka,
naha walpaia nani na brit ra laks!

Apia! Ulban sa,
brit ni baman upla ba
raya apia sa,
sakuna Gâd bila baikra
wina taki ba wal sin.




Man ba Gâd Luhpia sma
kaka, naha tempel bahna
wina kauhws.
Ulban sa apia Gâd ai
insalka nani blikbia mai
alkaia?

Apia! Ulban
sa: Man
Gâdkam ra
traika
kaikpara!



Kaiks! Yang karnika sut
maikamna naha tasba ra,
yang maiwanra bawi
maiyunma kaka!


Taki was setan!
Kan ulban bara sa: Dawan
Gâdkam ra mayunma bara
witin baman warkka
daukma!



Naha takan ba wina, setan
bui Jisas ra kupia kumi laka ra
swin. Bara insal nani balan
ai warkka daukaia.

Jisas ba Spirit Huli ni
bangwan pali kan, Galili ra
kli tau balan bara, baha
pliska ra,
witin tuktan kan pyua ra bara
kan ba. Yabal ra impaki kan
bara, upla nani kum, kum witin
wal prawan. Baha nani ba,
tanka briaia want kan Jisas
ba Mesaia sa apia kaka upla
wala sa...

Kena ra, Galili taunka kum, bahara marit liliaka kum daukan.



Jisas sin baha liliaka tilara kan, ai yaptika wal bara sin ai panika nani kum, kum kira.







Sakuna lilia tara ba,
pyua bakriki dauki kan bara...

Diara saura!
Wain laya
dan takan!

Man dauks
Jisas dia
mai wi ba
baku!



Naha sumika nani,
li ni bangks. Wira laiki brih,
lilia tara pura kakaira bara
brisi yas.



Li? Kuna baha wain ba!
Dia wainka kabia!



Dabi kaiks!
Wain laya kau
pain ba,
namikara
sakuma!



?




Nahki sip sa? Naku dukya yawan
kaikras, li wain laya auhni ra lakan
ba! Wain laya kau pain ba!

Naha warkka
Jisas Nasaret
wina ba baman
daukaia sip sa!

Witin ba
ya?

Kapernaum ba, taun kum pawanka manas brisa inska aiâlkra nani ba, Galili lakunka lamara. Naha pliska ra Jisas upla sut mawanra Gâd kingka lâka dukyara aisanka ta krika sa.



Bara bahara, ai disaipelka pas nani ba wahbi saki brisa.



Kaisa li tihura, Pita. Bahara man tankam nani ba liura lulks.




Mastar, yang nani tihmia aiska miski bangwri, inska kumi sin alkras.



Sakuna, man ai wisma nara...



Apia! Naha lika diara aihka pali sa!






Jems! Jan!
Man nani bal
help wan
muns, inska
uba
ailal sa!



Dawan ai swih was!
Yang uba saura sna.

Sĭbripara, Pita!




Nini
bliks!




Kaisa yawan wal waia!
Upla aiâlkra mai daukamna!



Jisas ai disaipelka nani wal,
Galili aiska ra impaki tauki sa.
Gâd kingka lâka smalkisa,
siknis satka sut rakisa,
bara ulasa nani kangbi sakisa.
Upla nani ba sirang baku iwan
sa, bara ai nina ra aula.
Tasba piska wala wina sin
aula, baku sin Jerusalem
wina. Smasmalkra ba kaikaia
want sa.




Yamni pali sa baha nani
kasakka lâka ba briaia,
diran dauki plun dauki baku
ba, ai auyapah bribia.



Yamni pali kabia,
baha nani ini bangwi ba,
kan witin nani maisanihkbia.




Yamni pali kama man nani,
yang taiwan mai wipi rau mai
sauhki, ninam bliki ba.
Liliam taki bangws
kan kasbrika purara
prisantka manis bilam
kaikisa!




Upla nani ra kulks, man
wīnam kat kulki sma baku.




Waihlam nani ra latwan
kaiks, bara witin nani
dukyara puram suns.



Yamni dauks yukuwan ra,
upla sut mawanra apia.




Waitna kum, mairin kum ra
kaiki laik takbia sa kaka,
ai kupia kat
pat marit laka sauhkan sa.



Wan wīna tara lampka ba, wan
nakra nani sa. Namkra nani ba pain
sa kaka, wīnam tara aiska ba ingni
sa. Sakuna namkra ba saura sa
kaka, wīnam tara aiska ba tihmu
tara ra kabia.



Upla ba sip dawan wal
warkka daukras.
Gād apia lalah.



Yauhka yua dukyara sari taki
lukpara. Gād kingka lâka ba pas
plik, baha ningkara dukia wala nani
ba brima.



Yang smalkanki ra kasak kulks.
Baku lika waitna kum ai watla walpa
ra makan baku kama. Daukras sma
kaka, auhya ra makram baku kabia.



Yu kum, upla ailal Jisas watla latka ra dihwi kan,
Kapernaum ra...

Yawan bahara
sip dimbia apia.

Baku sa kaka,
utla bahna bak
suni lahbia;
krikrika aiska kira!

Bara dia
takisa?

Swih bangws! Wan
panika nani ba kasak
lukan lâka manas brisa!

Man saurkam
nani ba, swih
tikan sa!

Kaikaia si! Baha aisi
ba wali sma?

Witin Gâd lawaska
kikisa!

Gâd baman sip sa saurka
swih tikaia!

Dia ba kau isi sa, wakia lawan kum
ra wiaia: 'Man saurkam nani ba
swih tikan sa', apia kaka, 'Bus'?

Yang sika, Mesaia karnika brisna
saurkam swih tikaia. Mai wisna:
Bus, krikrikam ba brih was!



Kasak lukaia sip apia!


Kaiks, witin wapi sa!

Aih! Yang wapi sna!

Sakuna upla sut ba lilia apia kan. Ju nani ta uplika nani ba Jisas dauki bara kaiki kan, wan wingka puhbaia yua ba witin kulkisa sapa. Israel nani baha yua ba kulki kan wark kumi sin daukaia apia.



Waitna kum nara sa, ai mihta lawan sa. Sip sa ki, naha yua ra yamni kum daukaia, apia kaka daukbia apia?



Mihtam ba saks!





Lilia! Pat rawisa!




Yawan witin ba alkaia sa!



Jerusalem ta uplika nani ba nu kaia sa, witin ba upla nani ra kunin munisa!

Upla nani ba witin ra kau taibi kan witin baha nani ba pyua wiria swisisi.
Ai disaipelka nani aikuki duri ra aimaki Galili lagunka bak wan.











Sap taks!
Lamni bas!



Ai dwarka tara plis kum lamni kan ra
brisi sunan. Sakuna il nani ra...


Ai, ai, aih!








Yang mai wisna: Luhpia ai laka kat diara daukras. Ai Aisika dauki ba baha baman daukisa. Kupi laka daukaia plikras sni Aisiki kupia laka baman. Witin sika ai blikan.




Jisas, pyu bani bin apu ba pliskara wan.




Jisas tihmia aiska ai pura sunan bara ai nina blikaia uplika 12 sakan. Baha nani ba wal, wal, blikan. Bara karnika sin yaban ulasa nani siknis nani purara karnika briaia.



Pita, Andru wal ai muihni...



Jems, Jan wal ai muihni...



Pilip bara Nitanil...


Tamas, Matyu (Rom wihta ra yabaia lal mana lalahka ba witin nani saki kan)...




Tadius bara Jems wala ba...



Saiman, aisi mapara babapra ba, bara Judas Iskariat.








Man nani was. Ya, ya kabia mai bribia ba, yang ai brisa; ya, ya kabia yang ai bri ba, witin ai blikan ba brisa.




12 nani ba lilia tau balan. Bara Jisas witin nani aikuki ai manka aihka takaia want kan, sakuna upla nani ba witin lamara ban kan.

Ma dakaia ba ailal pali sa, sakuna wark takaia uplika nani ba maûra sa. Ma dakaia Dawankara puram suns, witin wark uplika nani blikbia ma nani ba daki asla daukaia.







Jisas, baha pata aialal daukan ba wina upla tausin aialal ra dakakan...



Mesaia balaia kan ba, witin ba baha baksa!



Ban kaka yawan witin ba King mangkaia sa!




Kais! Plun kan swin ba 12 pataki!



Pyua kat baku upla nani ba watla ra blikan. Duri ba brih man nani baila walara lus. Yang nara il ra takaskuna puri sunaia.



Upla nani bara kan Jisas ba king mangkaia brin dauki kan. Witin upla nani ta brî Rom uplika nani ba saki lulkbia. Jisas mapara bui nani ba sin ailal takan. Jisas nina ra saura aisi kan. Witin nani brin dauki kan upla nani ba Jisas mapara buaia bara ai tila wina sakaia.



Mastarki, man ahkia nara balram?

Man nani ai plikisma ki yang upla nani ra dakakri ba taka wina?



Baha pata aisai ba dukyara trabil taki luki kapara, sakuna sip ai aisauras pata raya ban mai bri kaia pata ba dukyara luks.



Baha britka ba sika yang, man raya ban kaia maikisna. Yang wîni ba yang yabisna tasba ba rayaka.



Nahki naha waitnika ai wîna ba piaia wankbia?

Dipasta!







Bal kaisa yawan mahka waia!

Witin upla sut ra kunin munisa!



Man rawaia brin mai daukisa apia?

Dawan, yang nani yaura wamna? Raya ban kaia bila nani ba man baman brisma!



Jerusalem lata tanira upla ba iki kan.
Rom suldawa nani mita saura rausauhki dus ra sabi kan.



Ya yang ra balaia brin
daukisa kaka, witin aihka
tnayara takaia sa, ai dusa
prihni ba twilki nini blikaia sa.



Ya ai rayaka ba tikaia apia
luki ba, baha rayaka ba
tiwbia. Sakuna ya ai
rayaka yang dukira tikbia,
baha kli sâkbia.



Man baha tanka bri kaia
sma, Gâd kumi baman bara sa.



Diara kau tara ba sika diara sut wînam ra brisma ba ni
Gâd ra latwan kaikaia, bara man wînam ra latwan
kaikisma latwanka ba ni upla walara sin latwan
kaikaia sma!




Lepar alkan uplika nani ba taun lupia nani ra bara kan. Sikniska ba taya ra alki kan. Baha siknis alkan uplika nani ba siknis alkras nani ba lamara sin waia apia kan.




Lepar alkan nani ba witin nani ani anira auya bara pat karna wini maisapahki kan:

Lepar alkan nani! Lepar alkan nani!



Jisas! Master!
Yang nani ra umpira ai kais!





Man nani was, yas príst nani mai kaikaia!




Príst nani ra was? Laki mai kaikaia?

Baha ai kaikbia ba ni yang nani pat rawamna?



?

!




Kais! Yang pat rawri!



Yawan pat wan rakan!

Au!



Aleluya! Gâd ba yamni sa! Tingki!



Upla 10 rakan apia? Wala nani ba anira sa? Baha nani sin bal Gâd ra tingki wiaia kan apia?



Bus! Kasak lukisma ba mita mai rakan baman apia, sakuna swaki sin mai sakan sa.

Ju uplika ta bri nani kan ba,
Jisas watauki kan ba nina ra
bliki kaiki nina ra saura aisi
tauki kan.
Witin nani ba
Jisas dia sut dauki ba
mapara pali kan.


Upla saura nani kulki kan: ur mairin nani,
opisial nani lal mana saki Rom kingka ra yabi
kan nani ba tilara witin aisi tauki kan
bamna...

Mesaia ba balan
tiwan nani ba pliki
swaki sakaia.




Jisas, wingka puhbaia yua
ra upla raki kan bamna...

Sikniskam ba
rawram sa!




Tuktan nani baha
aman kaiki kan...

Swis tuktan yang ra
balaia. Gâd king laka
baha sat nani ba dukya sa.



Jisas ba Betania
 ra waia paiwan. Taun
 lupia Jerusalem
 lamara kan,
 Lasarus siknis
 kan.
 Meri bara Marta
 ba, Lasarus lakrika
 nani,
 witin nani Jisas
 wal
 ai uplika pain kan.
 Witin bara wan
 bara Lasarus ba
 pat yu wahlwal
 raiti ra bikan kan...



Dawan, man nara katma
 kaka laikra ba pruaia apia kan!

Marta, man lamkra ba kli bubia.


Au, yang nusna.
 Witin kli bubia raiti wina
 buaia pyua balbia ra.


Yang sika kli buaia raya kaia ba
 sin. Ya, ya yang ra kasak luki ba
 witin raya kabia. Marta, man baha
 kasak lukisma ki?

Au Dawan! Yang kasak lukisma,
 Sasakra Gâd Luhpia tasba ra
 balaia pramis munan ba baha sika
 man.

Man witin ba anira bikram sa?

Bal Dawan,
 kais nara sa!





Lâ uplika nani Jerusalem ra, Jisas ra, witin wal tauki nani bara sin aihwaki kaiki ban.



Baha waitnika ba diara aihkakra nani ailal daukisa.

Yawan diara daukras kabia kaka, Rom uplika nani diara daukbia!

Witin nani bal wan tempelka na, wan nisanka na sauhkbia!



Man nani luki kais! Kanra pain sa upla kumi baman wan nisanka dukyara pruaia, bara wan kuntrika aiska sauhkaia ba wal.




Baha mita sika Jisas ba ikaia kan ba!

Baha pyua wina Ju uplika ta bri nani kan ba sans kum pliki kan ikaia laka ba Rom uplika nani ra lakaia, baha nani baman sip kan upla ikaia laka ba daukaia.

Baha pyua Betani ra lilia kum dauki kan...



Meri!



Baha batana ba mana tara sa!




Kan ra pain kaia kan baha lalahka ba umpira nani ra yaban kata!




Judas, mairin bara dia wipara. Witin baha ridi daukan yang ai bikaia dukyara.







Insal luan yua ba daukaia pat baila kan.
Upla kwara tara nani Jerusalem ra waia impaki kan.




Jerusalem ra upla ta bri nani ba
pat ridi taki kan Jisas alkaia.
Ban sakuna Jisas sin ban bahara wan.





Jerusalem tempelka bara
wan pura sunaia watla bara kan.



Insal luan yua liliaka ra
syip nani ba ikan.



Syip kumi bani wina wina
pis kum brin, baha ni
tempel ra
upla Gâd wal kli ai uplika
sakripaiska daukan.



Sakuna ani syip pali ba
mita upla nani ba saura
wina pri saki sa?





Tempel ra lâ dauki ba latka ra upla nani ba
dia pana, pana atki lalah bara sins muni sa.




Jisas sin bal bara
pah takan...







Gâd watla, baha ba wan pura sunaia pliska ba, sakuna man nani lika impliki nani ba watla daukram!



Witin latwan wankaia sip sa! Sakuna upla nani witin aisi ba ban kulki sa.



Yawan sans kum plikaia sa bara dia dauki witin ba wan tila wina sakaia sa!



Kunin munbia kaka lika yawan witin ba ikaia sip kabia.

Sakuna Insal luan yua liliaka bara lika apia. Liliaka ba tilara yawan trabil daukaia want apia.



Witin mana man nahki aikma?

Baha sika Judas ai disaipelka kum!



Jisas ba man nani mihtam ra mangkamna!



Jisas mana lalah pihni 30 maikamna; alba kum mana.



Insal luan yua kau daukras kan
ba kainara tempel ra Jisas
upla nani aikuki aisi kan.
Upla ta bri nani ba pyu bani
baha aisi ba mapara aisi kan.





Tutnira Jisas ai disaipelka 12 ba aikuki
Jerusalem prawan Insal luan yua pata
ba piaia.



Ba naiwa tihmia yang
daukamna!





Yang pat luki katna kau pôt wauhras sna ba kainara Insal luan pata ba pas man nani aikuki piaia.



Lâ karnika alki nani ba ai walka nani purara dawanka aimakisa, sakuna man nani



Man nani tam bri ba man nani sut albikam kaia sa.




Yang na tilamra albikam baku sna.



Dawan, man albiki baku mini sikbisma? Apia!

Pita, yang mai sikbras sna kaka, man yang upliki apia.



Dawan, yang laila mihti nani sut siks!

Upla kum pat aihtaban ba mina ba baman sikbaia sa.



Man nani Dawan bara Mastar ai wisma, baha rait aisisma. Bara yang minam sikbri ba baku, baku natka ra pana, pana warkkam dauks.



Tilam wina kum ba mita waihli mihta ra ai mangkbia.


Baha yang sna apia?

Apia!



Judas, dia daukaisma ba, mahka dauks!






Pat, pat naku dauki bas yang ra kupiam kraukaia...



Britka na bris, naha yang wîni.



Naha kapka na bris, naha yang tailia laiwan, man nani dukyamra. Naha natkara Gâd man nani aikuki lâ raya dauki sa.



Lâ raya kum maikisna, man nani pana, pana latwan kaikaia, yang latwan mai kaikri ba baku.



Latwan mai kaikri lâka ba tilamra kabia kaka, baku lika upla sut kaikbia man nani ba yang disaipelki.



Dawan, yang man wal ani anira wamna, man tamwan sin ban pruumna.

Pita, kalila aiwani kabia taim man pat aima yuhmpa yang ai kaikras aisama.

Baha yua tutni Jisas taun ba wina takan,
Judas witin nani aikuki waras kan...

Yang lika mahka auna, sakuna Aisa mita
Huli Spirit ba man nani ra blikbia. Witin
help maimunbia man nani aikuki ban kabia.

Yang auna yabalka ba pliska
ba man nani kaikisma.

Yang sika yabal, kasak rait
ba, rayaka ba.
Upla kumi sin
Aisa kat sip wabia apia,
yang ku lika.

Man nani nara bas.
Yang bukra auna puri
sunaia.

Aisa, baku daukaia sip sma
kaka, pāt wauhwaia lukisna
ba aikrika wauhwamna apia.

Ban sakuna, yang kupi laka
daukaia apia, man kupiam
laka ba lika daukaisma!


Man nani raya kaia kapram
bara yapi sma na? Rawi
bangws! Waihli mihta ra ai
mangki ba nara sa!



Yaura kyawalamna ba alks.



Naksa Master!




Judas, Mesaia ba kyawali
waihla mihta ra mangkisma ki?

Dawan, yang
nani
aiklabaia sna
ki?



Apia!




Jisas baha nani ba ban swin bal witin ra
alkan. Ai disaipelka nani ba plapan.



Ju nani ta uplika nani Prîst Tara bara witin
nani
Jisas ba brih auya.
Pita, Jan sin laih wina ai nina blikan.



Pita lâ watla ra diman.



Man sin witin wal bara
katma apia?



Aisas! Waitnika
ba yang
kakaira apia.

Man, witin nani ba tila wina
kum, rait apia?



Yang baha
apia!

Yang kasak kaikisna!
Man bara kapram!
Man Galili wina!

Man aisisna ba
dia yang baha
tanka briras.





Jisas ba, brih auya Rom wihtka tara mawanra, Pailat. Ju uplika lalka tara nani ba, upla bui kaiki nani bara tuskisa Jisas dahra sakbia dukyara. Witin nani wini, dahra bahki nani sakisa.



Man dia wisma, naku damra saki ba dukyara? Diara wiaia apu sma?



Man dia daukram?

Yang nara balri, diara rait ba aisi wiaia.




Dia ba diara rait?




Witin ra patka kumi sin sakras sna. Lilia tara yua sa.
Ya ba pri swimna: Barabas ba, apia kaka naha Ju nani Kingka na?





Barabas!

Barabas!




Baku sa kaka, yang witin wal dia daukamna?

Dus prihni ra sas!


Witin ba king kum baku aisisa!

Witin ba pri swima kaka, Rom kingka wal waihlam takma!



Man sip sma waia, witinka watlika ra.

Barabas ra pri sakan, witin lika pulitik tawan upla kum ra ikan ba.





... 37, 38, 39!





Witin talia ba mana yang pãtkas sna.



Naksa, Ju nani kingka!






Pailat bui ulbanka kum,
Jisas dusa prihni pura
mangkaia blikan. Bila
aisanka yumhpa ra naku
wisa: "Jisas, Ju nani kingka".

Jisas laya tahpla diaia yan
ba diras kan.

Suldawa nani bal, ai praka
ba brin bara lat lulki kaikan.



Au! Upla wala
nani ra sin pri
saki kan apia?

Man ba Gâd Luhpia sma
kaka, nanara dus prihni
ba wina bal iws!



Man silp pri
taks, bara
yang nani
ra sin!

Gâd ra kulkanka bris.
Yawan lika naha pâtka
briaia aitani sa. Sakuna witin
lika saurka kumi sin
daukras sa.

Kingka lâka ba brima
bara, yang ra sin luki
bas!

Kasak pali mai wisni:
Naiwa yang wal kama
paradais ra.





Yu wan lal kat kan pyua ra,
tasba aiska tihmu takan.
Yu ingnika tiwan.



Meri, Jisas yaptika ba, bara
disaipelka Jan sin, dus prihni lama
ra bui kan.

Naiwa wina
witin man yaptikam,
witin man luhpiam.



Yang Gâdki, yang Gâdki,
ai lulki swiram ki?



Diran ai dauki
sa!



Aisiki, mihtam ra yang spiritki
swisna.



Sut ba ...
daukan sa.

Jisas ba pruan, 3 aklak tutni. Suldawa nani kum mita ai tnaya sabi klauhban baha wina li, tala wal takan.



Gâd waukhataya ulban nani bara wisa: "Syîp lupia baku ikaia pliska ra brih wan."



"Witin ra klakan bara rausauhkan wan saurka nani tawan." Sakuna nanara lika pruan sa.




Witin sa ki, Mesaia balaia kan ba?



Kaisa, yawan makabi walbia sip sa sapa bikaia.



Josep Arimatia wina ba bara Nikudimus sin, Jisas wina ba brin. Sîka mangki si, kwala ra blaki, bara walpa raitika kum ra dingki, dimaika ba walpa tara kum ni prakan.



Wingka puhbaia yua lâ mangkan kan ba, Insal luan yua liliaka daukan ba ningkara, mairin nani kum, kum sari pali Jisas raitika kaikaia auya...



Walpa tara ba sakan kan!



Dia muni man nani pliki sma, pruan nani tilara raya ba waitnika ra? Witin pat rawi buan. Naha ba disaipel nani wih wis!



Pita, Jan sturka ba walan bara, plapi raiti ra wan.





Dia takan ki?




Bila baman sa!





Baha sîm yua, Jisas nina blablikra wal, kupia sari pali pana, pana wal aisi kan, upla kum sin witin nani ra aisi kan Jisas ikan sturka...

Man nani dahra aisasara nani aisin ba kasak lukras sma ki? Mesaia ba pât wauhwaia baha ningkara ai prana ra dimaia? Baha sut ba pat ulban sa!



Plun pî kan minitkara uplika kata ba lap tiwan...

Baha ba Jisas!



Minitkara disaipel wala nani ba plikan.

Yang nani Dawan kaikri!

Meri bara Pita wal sin!



Ban ba wina...

Kupia kumi laka maikisna!



Man nani kasak lukras sma yang sna ba? Mihti bara mini nani na kaiks!





Yang Dawanki bara yang Gâdki!




40 dis, Jisas kli, kli ai nina
blablikra nani ra param taki
kan. Upla 500 ra sin param
takan.

Yu kum disaipel nani kum,
kum kyul miski kan...






Pita, rait pali
laitwan sma?




Jisas naha makabanka ba,
aima yumhpa Pita ra
walan...




Au Dawan, man nusma
yang latwan mai kaikisna!

Baku sa kaka, syîpki nani
ba main kaikis!




Nini bliks!

Yang karnika sut bri, kasbrika
purara bara tasba ra sin.
Tasba aiska ra wih bangws!
Upla sut bara nani ba, yang nini
blabli kra dauks. Tahbi saki bangws
Aisa ba nina ra, Luhpia ba nina ra
bara Spirit Huli nina ra sin.
Smalki bangws witin nani daukbia,
dia sut mai wiri ba.



Naha na pain tanka bri bas: Yang man
nani wal ban sna, yu bani ra, tnata pyua
balbia ba kat.



Naha sturka aisan ba ningkara,
Jisas mahka buan bara
kasbrika pura tani ra buki brih
auya.
Sakuna witin aisin sa kli balbia,
upla nani lâka daukaia...

Jisas mahka wan.
Ai nina blablikra nani, Jerusalem
ra ai pura suni bila kaiki sa.
Bahara, witin nani ra Spirit Huli
ba bal diman.
Gâd Spiritka Huli ba, nanara
ai nina blablikra nani wal
sa.
Baha ba mita witin nani ba upla
raya daukan sa, bara Jisas
dahra karna pali aisi smalki sa.

Prura ba Jisas
pura luras kan.
Gâd bui kli raki
bukan. Jisas
pas sika, Gâd
pliska
hulikira bara brih
wan ba.



Jisas nina blablikra nani ba, tasba aiska
ra impaki tauki sa, mapara buanka tara
nani bara sa, sakuna.

Jisas ba,
Gâd Luhpia!



Dus prihni ra pruan
bamna, wan
saurka sut ba witin
ai wîna ra twilkan.
Baha mita yawan
saurka ba wina pri
wan sakan sa.
Naha pyua wina ai
taura, yawan Gâd
want ba baku
iwbia.

Nanara tasba aiska ra upla
nani asla takisa, Jisas nina
bliki ba. Dakni taki ai pura
suni sa, Baibel ba aisi kaiki
sa, Gâd ra mayuni sa;
las pata tukinka daukisa,
Jisas pruanke ra luki.
Gâd latwanka laka ba,
pana, pana sir muni brisa,
ai kupia pali wina sakan ba.

Jisas aisi wapni
daukan sa, Gâd dia
upla ra daukaia luki ba
baku takbia.



Jisas ba lamtwan sa!
Tingki wis bara
mayuns!



Bamna Gâd tasba ra uya
latwan kaikan, bara witin
mita ai Luhpia kumi
baman bri kan ba yan;
bara baku mika ani uplika
witin ra kasak lukbia ba,
sut pali tanis tiwbia apia,
sakuna raya ban kaia
laka ba bribia.

JISAS DAHRA KAU AISISA.

Jisas pyua ra, witnis nani wahlwal, kumi bani, witinka dahra wauhtaya ra ulbi bangwan. Naha wauhkataya nani (Sturi Yamni nani), Baibel ra asla daukan sa. Man sin Baibel ba aisi kaiks!

MATYU Matyu sika, Jisas disaipelka nani wina kum ka ba. Witin Jisas wal prawan, smasmalkra ba bui witin ra paiwan, Kapernaum ra Rom ra yabaia lal mana saki kan ba pyua. Upla nani ba sirang iwan kan, Jisas ba lal mana sakaia warkka dauki uplika kum wal prawan bamna. Matyu Jisas dahra ulban ba witin sin tilara kan.

MARK Mark lika sturi yamni prahni kum ulban ('Gaspil' baha tanka ba 'Sturi Yamni'). Mark ba kau tuktan kan, Jisas Israel ra ai warkka daukan pyua ra. Witin Pita wal kasak kan. Baha mita witin ai wauhkataya kum ra wisa sa "yang luhipi". Kau pyua wira luan ra, Mark ba Pâl wal impaki tauki sa. Pâl sika Jisas dahra sturka Eurup tasbaia ra brih balan ba.

LUK Luk sin sturi yamni kum ulban, witin lika bahara apu kan sakuna. Witin ba grîk daktar kum kan, bara mahka Jisas ra kasak lukan. Baha wina Pâl wal impaki tauki kan. Luk ai ulbanka aiska ulbaia dukyara witin pali bui witnis nani pliki tauki kan. Baku sin kristian pas nani dia lan takan ba ulbi brin kata, bara sin kristian serts nani pas takan ba dahra nani. Baha wauhkataya sika 'Wark nani apastil nani daukan.'

JAN Jan nina wala makisa 'latwankira'; kan witin kau Jisas wal asla kan. Jisas ra ban kasak luki nina bliki kan dus prihni ra saban ba kat. Ai sturka yamni ulbanka dant takan ban naku ulban sa: "Jisas kau diara nani ailal daukan sa. Ban sakuna naha nani na lika ulban sa, man nani kasak lukma Jisas ba Misaia Gâd Luhpia sa, bara naha kasak lukanka nak raya ban kaia laka bri kama." Sip kaia sa, Jan ba, pyu kau wihka raya iwan kaia, Jisas disaipelka nani sat ba wina. Pat almuk kan pyua ra, witin Jisas yaprisauhkanka nani kaikan, Gâd Luhpia Hulikira baku, naiwa pyua kat witin dia bara ba tanka kat. Naha ba 'Param marikan wauhkataya' ra aisin sa, wauhkataya kum tnata las dukyara aisi ba.

BARA MAN! Jisas dahra aisanka ba dan takras. Upla manis rayaka ra kau ban auya, mani handat nani tilara, bara sip sa man raya kam ra sin baku takaia. Jisas ba wan panika kum wan lamara ba kaikras ba baku wan tilara kaia want sa, rayakamra upla sat wala mai daukaia witin bara ba pliska ra mai brihwaia. Tihmu ra kan ba ingni takan. Pruan kan ba, sip sa kaikaia, ban kaia ra. Tingki Jisas ra, Gâd dia brin dauki ba, man rayakam wal sin daukaia sip ba. Laikula nani!





JISAS BA MESAIA: Naha wauhkataya na man ra mai wisa Jisas Kraist sturka nani ba, upla sut naha aisi kaiki tanka briaia sip ba praiska kat. Jisas Kraist rayaka sturka ba wark daukan sturka aiska ba Gaspil wahlwal ra ulban ba sut nara sa. Man naha wauhkataya na aisi kaikma bara baha nina: 'Jisas ba Mesaia' baha tanka brima. Witin sika Swaki Sasakra ba, tasba na witin bila kaikisa. Witin naha tasba ra balan naha wauhkataya miskitu ra ulban na aisi kaiki ba uplika nani ba dukyara sin. Aisi kais man baha tanka ba briaia Jisas Mesaia ba dukyara.

Miskito
ISBN 90 6534-033-5